

Элстиг темсър тетгхин төлө

Балгьсна темснэ совхозд ик олн күүкд улс кōдлджанэ. Совхозин кōдлчирин ъмн ачта ик тōр тэвгдджанэ. Эдн балгьсна куч-кōлсчириг зер-земшяр, темсър элвгър теткх зōвтэ.

Ода совхозд кōдлмшин гургу цагнь—хаврин тэрэ тэрлгьн делгү кегддж йовна. Майин нег шиниг уктсн соцдōрлдэнд авсн даалгьвран кучэ-гьэд, совхозин коллектив производственн сэн дилвр бэрв, 100 гектар газрт тарвс тэргдв, агьурцг тэрлгьн болджана, ода 3 гектар тэргдчкв.

Темс гаргьлгьна зурагьар 10 гектар хавстн, 8 гектар помидор тэргдхмн. Эднэ рассад ода белдэд авгдчкв, даругьас газрт суулгьгдхмн.

Совхозд тэрэнэ кōдлмшт йовх күүкд улс производственн зура кучэлгьнэ төлө шунмгьа кевэр ноолдж йовцхана, эднэ чидл-кучэр кōдлмш нургьлдж кучэгддж йовна. Түрүн нүүрт йовцхах күүкд улс О. Эрдниева, Бадугинова, Г. Коокуева, Е. Семенова,

А. Полонская болн нань чиги ъдр боягьн зурагьан 140-150 процент кургдж кучэцхэнэ.

Совхозин зер-земшин салин кōдлмшиг агроном ур Мария Мамаенко гардна. Энунд бас нургьлдж күүкд улс кōдлнэ. Зер-земшин садт кōдлдж йовх звенос дунд делгрсн соцдōрлдэнд ъмн нүүрт гарснь ур Н. Урнусован звено. Энунэ сэн кōдлмшинь ачлад, совхозин дирекц кесг дакдж мōньгэр, шидр бишмүдин эдэр мōрэлв. Комсомолк ур Д. Литвинован звено бас сэн дилвр кучдк кōдлмшэн кеджэнэ.

Зер-земшин модд хэлэдж асрлгьнд кōдлдж йовх багь наста күүкд Т. Колышкина, М. Пушкарева, Н. Шафоростова, Бальзанова, Т. Ходжгорова эдн даалгьвран 130-140 процент кучэцхэнэ.

Темснэ совхозин кōдлмшчир—күүкд улс балгьсна элстиг темсър кучцднь теткх ик тōриг үзмджтэ кевэр кучэцхин төлө чидлэн арвллго, уханседклэн тэвдк кōдлдж йовцхана.
Р. АСТАХОВА.